



REPUBLIKA E SHQIPËRISË
INSTITUTI I SIGURIMEVE SHOQËRORE
DREJTORIA E MARRËDHËNIEVE ME PUBLIKUN
DREJTORIA E PËRFITIMEVE

Nr. _____ prot.

Tiranë, më 05.09.2021

Lënda: Kthim përgjigje

Z. Dorian Matlija
DREJTOR EKZEKUTIV
QENDRA “RES PUBLICA”

Adresa: Blv. “Gjergj Fishta”, Nd.24, H.3, Ap.7, Tiranë

I nderuar z. Matlija,

Në përgjigje të kërkesës Tuaj të datës 30.8.2021, të regjistruar në Institutin e Sigurimeve Shoqërore me nr. 5434 prot., datë 1.9.2021, lidhur me çështjet e parashtruara, ju informojmë si vijon:

- *Sa është vlera e pensionit minimal në Shqipëri?*

Instituti i Sigurimeve Shoqërore ushtron veprimtarinë e tij bazuar në dispozitat e Ligjit nr. 7703, datë 11.5.1993 “Për sigurimet shoqërore në Republikën e Shqipërisë”, të ndryshuar, i cili në pikën 1, të nenit 32, parashikon që pensioni përbëhet nga një shumë bazë dhe nga një shtesë.

Shuma bazë në vite është përcaktuar me Vendime të Këshillit të Ministrave. Në zbatim të pikave 3, 4 dhe 10, të Vendimit të Këshillit të Ministrave nr. 196, datë 31.3.2021 “Për indeksimin e pensioneve”, nga data 1.4.2021, masa minimale e pensioneve është si vijon:

- pensionet e plota të pleqërisë, pensionet e plota të invaliditetit dhe pensionet e plota familjare, të caktuara sipas dispozitave të ligjit nr. 7703/1993, të ndryshuar, me përjashtim të pensioneve të caktuara në përputhje me paragrafin e katërt, të nenit 96,

të këtij ligji, që kanë datë fillimi të së drejtës deri më 31.12.2014, janë në masën 14,449 (katërmbëdhjetë mijë e katërqind e dyzet e nëntë) lekë në muaj

- Pensionet e plota të pleqërisë, pensionet e plota të invaliditetit dhe pensionet e plota familjare, të caktuara në përputhje me paragrafin e katërt, të nenit 96, të Ligjit nr. 7703/1993, të ndryshuar (pensione të caktuara nga puna në ish-kooperativat bujqësore), me datë fillimi deri më 31.12.2014, janë në masën 9,895 (nëntë mijë e tetëqind e nëntëdhjetë e pesë) lekë në muaj.

Kriteret e përfitimit të pensioneve të plota për pensionin e invaliditetit parashikohen në nenin 35, për pensionin familjar përcaktohen në nenin 40, 41 dhe për pensionin e pleqërisë në nenin 92, të Ligjit nr. 7703/1993, të ndryshuar.

Përfituesit të cilët në zbatim të dispozitave ligjore të mësipërme nuk kanë periudhën e sigurimit të domosdoshme për të përfituar pension të plotë, trajtohen me masë pensioni, në raport me vjetërsinë që kërkohet dhe vjetërsinë që kanë realizuar.

- Shuma bazë e pensionit për pensionet me datë lindje të së drejtës nga data 1.1.2015 e në vijim, sipas Ligjit nr. 104/2014, datë 31.7.2014 *“Për disa ndryshime dhe shtesa në ligjin nr. 7703, datë 11.5.1993, “Për sigurimet shoqërore në Republikën e Shqipërisë”, të ndryshuar është në masën 7,843 (shtatë mijë e tetëqind e dyzet e tre) lekë në muaj.*

Shuma bazë është e njëjtë me masën e pensionit social dhe në zbatim të pikës 4, të nenit 32, të Ligjit nr. 7703/1993, të ndryshuar shuma e përgjithshme e pensionit nuk mund të jetë më e vogël se pensioni social, pra aktualisht është në masën 7,843 lekë.

- *Sa persona marrin pension minimal dhe cilat janë 5 qarqet që kanë numrin më të madh të personave që marrin pension minimal?*

Referuar të dhënave shtetërore të sistemit të menaxhimit, të kalkulimit dhe pagesës së përfitimeve (PCAMS) të Institutit të Sigurimeve Shoqërore, i krijuar në zbatim të vendimit të Këshillit të Ministrave nr.120, datë 17.2.2016 *“Për krijimin e bazës së të dhënave shtetërore të sistemit të menaxhimit, të kalkulimit dhe pagesës së përfitimit (PCAMS)”* dhe bazuar në Ligjin nr. 115/2014, datë 31.7.2014 *“Për ndarjen administrativo-territoriale të njësisve të qeverisjes vendore në Republikën e Shqipërisë”, të ndryshuar, pesë qarqet me numrin më të*

madh të përfituesve me masë minimale pensioni sipas dispozitave në fuqi deri më datë 31.12.2014 të Ligjit nr. 7703/1993, të ndryshuar janë: Tiranë, Korçë, Fier, Vlorë dhe Durrës. Ndërsa pesë qarqet me numrin më të madh të përfituesve me masë minimale pensioni sipas dispozitave të Ligjit nr. 7703/1993, të ndryshuar me ligjin nr. 104/2014, janë: Tiranë, Fier, Elbasan, Durrës dhe Vlorë.

- *Kopje të të dhënave të fundit statistikore për të ardhurat nga kontributet shoqërore, shpenzimet, numrin e kontribuesve dhe numrin e përfituesve.*

Në zbatim të Ligjit nr. 119/2014, datë 18.9.2014 “Për të drejtën e informimit” dhe në përputhje me Programin e Transparencës ndaj Publikut, Instituti i Sigurimeve Shoqërore, në faqen zyrtare të internetit www.iss.gov.al, ka publikuar të gjitha informacionet e aksesueshme për publikun, që lidhen me funksionimin e skemës së sigurimeve shoqërore, Legjislacionin e zbatueshëm, Raportet Statistikore, përfshirë edhe të dhënat statistikore për periudhën 2019-2020 (shiko rubrikën "Statistika të vitit korrent").

Bashkëlidhur ju dërgojmë një pasqyrë të numrit të përfituesve me masë minimale pensioni të 12 (dymbëdhjetë) drejtorive rajonale të Institutit të Sigurimeve Shoqërore dhe raportin statistikor të periudhës 2019-2020.

Lidhur me vlerën e ndihmës ekonomike, e pagesës së paaftësisë, dhe të papunësisë në Shqipëri, numrin e personave që marrin ndihmë ekonomike, pagesë paaftësie dhe papunësie në Shqipëri, si dhe 5 qarqet që kanë numrin më të madh të përfituesve të këtyre pagesave, ju sqarojmë se kjo kategori përfitimesh nuk caktohet, administrohet dhe paguhet nga Instituti i Sigurimeve Shoqërore.

Ju falenderojmë për bashkëpunimin dhe mirëkuptimin,

DREJTOR I PËRGJITHSHËM

Astrit Hado